

long de l'hyuer pour chaffer à l'eslan, & vne bonne partie des autres faifons de l'année pour chaffer aux Castors. En voicy le commencement. Vn ieune esclaué aagé d'environ 23. ans, Esquimau de nation, pris en guerre, il y a treize ans, seruoit de valet à vne famille de Sauuages; ce pauvre captif tombe malade en la cabane de son maistre, proche de nostre nouvelle habitation, & est reduit à telle extremité qu'il reffembloit plustost à vne squelete, qu'à vn homme viuant: les os auoient desia persé la peau en quelques parties de son corps, & pour comble de son mal-heur, quelqu'un de ceux qu'il auoit nourry par l'espace de plusieurs années, par ses fatigues de la chasse, auoit par vne cruelle compassion préparé vne corde pour luy oster ce qui luy restoit de vie: le Pere Martin Lyonnes qui estoit seul en nostre maison auerti de cette resolution, s'oppose courageusement à ce [121] qu'elle ne fust executée, remonstre que Dieu estoit griefuement offensé par semblables actions, & craignant que quelque funeste coup de hache ne tombast sur la teste de ce pauvre languissant, le fait promptement porter dans nostre maison, le place sur vn liët, l'instruict, & en eut vn tel soin qu'il commença dans peu de semaines à se mieux porter: il demande de retourner en la cabane de son maistre, où il n'eut pas seiourné quelques iours, qu'il retombe plus malade qu'auparauant: son infection le rendoit insupportable, on le iette hors la cabane, & est abandonné des siens, il a recours au Pere, le fait demander, on l'assiste, i'arriue là-dessus à Nepigiguit, nous visitions ce pauvre abandonné, qui persiste à demander le Baptesme, nous acquiesçons à sa demande, & de plus luy faifons promptement dresser